

Bosna i Hercegovina
Federacija Bosne i Hercegovine
Tuzlanski kanton
Ministarstvo prostornog uređenja i zaštite okolice

Tuzla, 21.08.2010. godine

Na osnovu člana 29. Zakona o izvršenju budžeta Tuzlanskog kantona za 2010. godinu („Službene novine Tuzlanskog kantona“ broj: 02/10) i Programa raspodjele namjenskih sredstava Ministarstva prostornog uređenja i zaštite okolice za 2010. godinu, a u skladu sa Odlukom o utvrđivanju uvjeta, kriterija i postupka za raspodjelu namjenskih sredstava iz ekoloških naknada, Ministarstvo prostornog uređenja i zaštite okolice raspisuje:

JAVNI POZIV

neprofitnim organizacijama za kandidovanje projekata iz oblasti zaštite okolice radi dodjele sredstava

1. Pravo učešća na javnom pozivu:

Pravo učešća na javnom pozivu imaju udruženja koja su registrirana u Ministarstvu pravosuđa i uprave Tuzlanskog kantona, kao i udruženja koja su registrirana u skladu sa zakonom na entitetskom ili državnom nivou, čija je djelatnost usmjerena na zaštitu i unapređenje okolice, a koja imaju sjedište, djeluju, rade i implementiraju projekte na području Tuzlanskog kantona. Pravo učešća na javnom pozivu imaju i javne ustanove iz oblasti obrazovanja koje su upisane u Registar osnovnih ili srednjih škola kod Ministarstva obrazovanja, nauke, kulture i sporta Tuzlanskog kantona.

2. Sredstva se raspodjeljuju za projekte iz zaštite okolice koji se odnose na sljedeće:

- smanjenje zagađenja okolice (zamjena peći na čvrsto gorivo u objektima ustanova obrazovanja uvođenjem centralnog grijanja),
- akcije čišćenja, uređenja, pošumljavanja, ozelenjavanja javnih površina, školskih dvorišta i slično,
- akcije koje promoviraju odgovoran odnos prema prirodi,
- akcije s ciljem jačanja ekološke kulture građana,
- akcije s ciljem obilježavanja značajnih datuma iz oblasti zaštite okolice,
- akcije u funkciji zaštite biljnih i životinjskih vrsta,
- akcije koje podstiču kvalitetan odnos prema otpadu i
- druge akcije usmjerene na unapređenje stanja okolice.

3. Podnosioci prijave dužni su dostaviti sljedeću dokumentaciju kojom dokazuju ispunjavanje uvjeta:

1. rješenje o upisu u Registar udruženja kod Ministarstva pravosuđa i uprave Tuzlanskog kantona ili drugog nadležnog organa u Federaciji Bosne i Hercegovine ili Bosni i Hercegovini iz kojeg je vidljivo da je sjedište udruženja na području Kantona, te da je djelatnost udruženja usmjerena na zaštitu i unapređenje okolice (za udruženja) odnosno rješenje o upisu u Registar osnovnih ili srednjih škola kod Ministarstva obrazovanja, nauke, kulture i sporta Tuzlanskog kantona (za javne ustanove iz oblasti obrazovanja),
2. uvjerenje o poreznoj registraciji,
3. spesimen potpisa iz banke osoba odgovornih za finansije – za udruženja,
4. spesimen potpisa za javne ustanove – obrazac iz Ministarstva finansija,

5. izvještaj o realizaciji i utrošku sredstava dobijenih od ovog Ministarstva u prethodnoj godini, ukoliko ista nisu ranije u potpunosti opravdana,
6. projekat, ovjeren i potpisan od strane podnosioca.

Dokumenti se prilažu u originalu ili ovjerenom kopiji koja ne može biti starija od 6 mjeseci računajući od dana objavljivanja javnog poziva.

Projekat koji će se uzeti u razmatranje treba da sadrži:

1. naziv i opis projekta,
2. ciljeve projekta,
3. vrste aktivnosti koje će se provesti da bi se postigli postavljeni ciljevi,
4. očekivani rezultati,
5. rok realizacije projekta i
6. specifikacija troškova sa visinom sredstava koja se potražuju od Ministarstva (navesti detaljnu specifikaciju).

Neblagovremene i nepotpune prijave neće se uzeti u razmatranje.

4. Prijedlog raspodjele sredstava:

Prijedlog raspodjele sredstava neprofitnim organizacijama utvrdit će se na osnovu slijedećih kriterija:

- ciljevi projekta su dostizni, mjerljivi, realistični i vremenski određeni,
- projekat uključuje i angažira veći broj volontera,
- jasno definirane ciljne grupe,
- očekivani rezultati projekta,
- partnerski odnos sa drugom neprofitnom organizacijom ili institucijom iz javnog sektora u realiziranju projekta i
- administrativni troškovi na projektu ne prelaze 30% ukupnog budžeta projekta.

5. Broj projekata i iznos sredstava:

Udruženja imaju pravo na Javni poziv prijaviti dva projekta. Ukupna vrijednost projekta udruženja za koji se traže sredstva ne smije preći iznos od 5.000 KM. Maksimalni iznos koji se udruženju može odobriti po jednom projektu je 5.000 KM.

Javne ustanove imaju pravo na javni poziv prijaviti jedan projekat. Maksimalan iznos koji se javnoj ustanovi može odobriti za projekat je 30.000 KM.

NAPOMENA: Pravo učešća na javnom pozivu nemaju udruženja i javne ustanove kojima su u 2010. godini dodijeljena sredstva od ovog Ministarstva.

6. Način prijave:

Projekti se predaju na adresu:

Tuzlanski kanton
Ministarstvo prostornog uređenja i zaštite okolice
Pisarnica Vlade TK (Slatina br. 2, Tuzla),
(sa naznakom: „ZA JAVNI POZIV – NE OTVARATI“ – naznačiti da li se radi o
udruženju ili javnoj ustanovi)

Rok za podnošenje prijave je 15 dana od dana objavljivanja javnog poziva. Javni poziv za dodjelu sredstava će biti objavljen i na zvaničnoj web stranici Vlade Tuzlanskog kantona www.vladatk.kim.ba.